



菩提場莊嚴陀羅尼經

唐特進試鴻臚卿三藏沙門大廣智不空奉詔譯

菩提場莊嚴陀羅尼經



清刻龍藏佛說法變相圖

菩提場莊嚴陀羅尼經

不九

唐特進試鴻臚卿三藏沙門大廣智不空奉詔譯

如是我聞一時薄伽梵住筏羅宛斯大城廣博大園與苾芻眾五千人俱皆是大阿羅漢諸漏已盡所作已辦逮得已利斷諸有結復有菩薩摩訶薩三九五百人俱爾時世尊滿月十五日而坐說法其眾會有無量俱胝那庾多百千有情婆羅門刹利梵志尼乾子等及餘外道戲論幻術居屍林納衣持牛戒者居山谷持禁戒者復與大天眾皆於佛前眾會而坐時大眾會邪見異道心懷疑難如來愍念皆安慰之恣其所問復有天龍藥叉乾闥婆阿脩羅迦樓羅緊那羅摩睺羅伽人非人等前後圍遶而坐復有天帝釋與忉利天子天眾百千眷屬前後圍遶來至佛所復有梵王

與娑訶世界主梵衆天子百千眷屬皆來集
會復有日月天子寶賢滿賢賢力天等與大
藥叉將衆及大自在天那羅延天焰魔天水
天俱尾羅天四大天王吉祥天女辯才天女
訶利帝母商棄尼天女華齒天女訶利帝五
百子等皆與眷屬衆會而坐復有娑伽羅龍
王難陀龍王烏波難陀龍王與無量百千龍
衆圍繞復有緊那羅王摩呼羅伽王與無量
眷屬前後圍遶作大供養而住聽法其大衆
會有大婆羅門名毗鈕達多住波吒離子城
是婆羅門多諸財寶豐饒巨富與毗沙門天
王等敵是婆羅門多聞聰哲智慧審慮諦修
善品意樂淨信極善歸依三寶優婆塞中最
爲第一其婆羅門爲無子息晝夜作是思惟
若無子息當生何趣又斷我族婆羅門又作

思惟大師佛世尊即是我父我是佛子真正
妙法是我之母僧伽聖衆是我兄弟今生有
幸遇大吉祥及於來世我今問佛世尊修何
法行我由修行一法收攝一切善根迴向於
無上正等菩提常恒三寶種永不斷絕由此
福因緣得有子息我今欲問世尊修何法行
爾時毗鈕達多大婆羅門往詣世尊遶佛三
匝合掌禮佛而白佛言世尊能以一法積集
一切善根所謂證得無上正等菩提即成共
諸三寶善根無盡令我獲得子息世尊告言
善哉善哉大婆羅門能問如是善義汝今當
聽善聽極善聽極善作意吾今爲汝廣稱讚
敷演大婆羅門有菩提場莊嚴陀羅尼大教
王由此陀羅尼種植一切善根能滿一切意
願我念過去世於波吒離子城東門外有一

大園其園名阿蘇離園中有羅刹女住名華阿蘇離其園羅刹女稟性暴惡威怒千由旬內所有男女童男童女奪其精氣波吒離子城中人民常被驚怖懷大憂懼互相瞻視咸言作何方便時衆多耆舊告諸人衆汝等諦聽我等聞佛出世其佛號曰妙光幢如來應供正遍知汝等應當往詣彼佛世尊所問佛世尊救濟汝等憂懼之難時諸人衆白耆舊言世尊今者在於何處耆舊答言世尊今在半遮羅聚落是諸人衆復白耆舊我等作何方便耆舊告言汝等還歸可於淨處以瞿摩夷和土塗作方壇四方齊整散諸雜華置四香爐四餅香水并四楪食然四盞燈又取一頻伽餅滿盛香水取一齒木安於餅上應當啓請彼如來言惟願世尊明日食時降臨於

此如來悉知過去未來現在之事如來拔濟一切有情墮險趣者地獄餓鬼畜生常令解脫如來必當食時降赴以大神通并諸眷屬來至波吒離子城時諸人衆聞此語已衆人咸集高顯淨處以瞿摩夷和土塗壇以種種華散其壇上嚴飾賢餅置種種飲食塗香燒香然燈置於四方種種音樂金頻伽寶莊嚴餅滿盛香水齒木安於餅上置壇中心和雅音高聲作是唱言稽首歸命妙光幢如來世尊應正等覺稽首歸命憐愍一切有情大牟尼世尊稽首歸命奇特法性佛世尊惟願拔濟我等受苦衆生惟願明日食時來受我供安慰我等一切有情為歸為依為作善趣解脫我等極甚怖畏險惡難處時大人衆纔發此言於其處地六種震動頻伽寶餅傾倒

於地即成大蓮華池天妙八功德水充滿其中其水香淨不冷不熱令人悅意其池水中有種種華所謂青蓮華紅蓮華赤蓮華白蓮華滿於池內金砂布地四道寶塔以種種寶間錯莊嚴即其齒木變爲寶樹高六由旬縱廣正等有八由旬其樹根莖枝葉華果皆七寶所成復於是處其地寬廣嚴淨面各十二由旬成一大曼荼羅其處令人愛樂殊麗端嚴處處皆有種種水陸諸華於華樹上有種種鳥鸚鵡孔雀迦陵頻伽共命之鳥及餘吉祥諸鳥金雀金鬚毛羽皆是七寶所成出和雅音其地種種華樹以爲莊嚴所謂多摩羅樹瞻蔔華樹波吒羅樹無憂樹阿低木多迦樹蘇摩那樹迦南摩樹拈羅樹大拈羅樹竭乳羅樹薔薇華樹上藍努迦樹庾體迦樹信

努迦縛離樹等皆是妙光幢如來本願菩提場莊嚴陀羅尼神力加持故作大神變時波吒離子人衆心生奇特互相視言今所現者大神通相先應而現誰之威力誰之神通於此瞻部洲現大利益現大功德當於世間現此瑞相與諸有情成大利益時彼人衆互相視言汝等各去營辦種種殊勝飲食明日請佛廣大供養時彼人衆各還本家其夜營辦種種飲食色香美味香華塗香末香幢幡音樂與多眷屬將至中路祇候世尊時妙光幢如來在半遮羅大聚落中與大衆會說法教化於大衆前忽現七寶所成頻伽水餅并及齒木爾時世尊見已微笑即舒百千福莊嚴金色臂取頻伽餅并及齒木寂然而住爾時大衆見此事已成生奇特歎未曾有現此瑞

不九

五

相未知何方迎請世尊爾時衆中有一菩薩摩訶薩名妙清淨慧往詣佛所頭面禮足右遶三匝而白佛言世尊此之瑞相從何而來現頻伽水餅并及齒木奉請世尊佛言此頻伽餅齒木從波吒離子大城而來告妙清淨慧菩薩言汝可行籌隨從我者以大神力明日晨朝當入波吒離子大城時妙清淨慧菩薩摩訶薩聞是語已尋即行籌告諸聲聞衆菩薩衆有大神通能作神境通者可受此籌明日晨朝入波吒離子城時妙清淨慧菩薩徧行籌已即請世尊爾時世尊於晨朝時齊整衣服以大威嚴以大眷屬以大神力遊戲加持與諸大衆即乘虛空天龍藥叉乾闥婆阿修羅迦樓羅緊那羅摩睺羅伽作大音樂以種種香華塗香末香衣服嚴具於虛空中

供養如來以佛神通於須臾頃至波吒離子大城從空而下至寬廣嚴淨大曼荼羅處坐師子座彼大衆各各自乘華宮殿而來會坐時城中人衆以佛威神力各持種種供養世尊及彼大衆菩薩聲聞衆天龍八部衆聲聞衆世尊知食時將至皆令坐食種種色香味飲食恣意食足爾時大衆食已洗漱整理衣服以大神通復以供養旋遶三匝各於佛前次第而坐即以上事白佛言世尊於此城東門外有園名阿蘇離於彼園中有羅刹女名華阿蘇離其性暴惡常奪男女童男童女精氣晝夜常懷害心惟願世尊開示方便除此災害爾時妙光幢如來安慰大衆寂默而住示現微笑從佛面門出種種光明以此光明照耀三千大千世界及照阿蘇離園羅刹

不九

六

女并百千眷屬佛威神力令彼羅刹女并諸眷屬四方馳走其園被燒如一火聚悲聲號哭十方奔走我等歸誰誰當救我是時城中有諸天衆空中出聲告言汝等可往妙光幢如來所稽首歸依當令汝獲得安樂時彼華阿蘇離羅刹女百千眷屬忙然往詣佛所頭面禮足白佛言惟願世尊救我惟願薄伽梵救我惟願修伽陀救我世尊我從今已後更不敢害諸有情更不敢侵惱有情時妙光幢如來默然而許即入菩提場遊戲神通加持三摩地由入此三摩地故照耀十方一切佛刹彼刹中一切如來悉皆顯現并聞爲大衆說法音聲時妙光幢如來說菩提場莊嚴陀羅尼彼十方世界中如來皆讚言善哉善哉妙光幢如來善說菩提場莊嚴陀羅尼教王

令調伏華阿蘇離羅刹女及眷屬安立十善業道并諸人衆令得不退轉地置於善道即其城地七寶所成及兩七寶其瞻部洲人民豐饒安樂大婆羅門我當彼之時爲婆羅門童子年始七歲聞此陀羅尼於佛教中得生淨信便證無上正等菩提大婆羅門^七或有猶豫生疑者往昔時華阿蘇離羅刹女豈異人乎即汝身是何以故汝爲阿蘇離羅刹女時損害衆生無有善心經無量劫墮於惡趣大婆羅門莫生疑惑當彼之時波吒離子城中人衆今此天龍藥叉乾闥婆阿脩羅迦樓羅緊那羅今來雲集者是大婆羅門或生猶豫或生疑惑當彼之時羅刹女百千眷屬者不應作如是見何以故是我集會中婆羅門刹利梵志尼乾子及餘外道戲論幻術者居

屍林納衣持牛戒者居山谷持禁戒者等是爾時釋迦牟尼如來說往昔因緣已默然而住時一切大衆聞此往昔因緣皆生奇特持種種香華塗香末香華鬘衣服幢幡往詣世尊所而作供養右遶三市頭面禮足而作是言惟願世尊說菩提場莊嚴陀羅尼教王惟願世尊說惟願修伽陀說此大明王令一切有情作大光明於後末世一切有情能滿諸願爾時世尊大衆請已默然而住受請微笑現微笑後從其面門出種種光照曜十方世界照曜已彼世界中一切諸佛悉皆顯現又聞彼諸如來說法語言於此地中即生七寶樹其樹根莖枝葉華果殊勝天妙悅意受用安樂現於瞻部洲其樹現大遊戲神通加持爾時文殊師利童真菩薩見此神通及見如

來微笑往詣世尊頭面禮足遶佛三市合掌向佛白佛言世尊惟願說菩提場莊嚴陀羅尼教王惟願善逝說之與一切有情作大利益長養一切種植善根者爾時釋迦牟尼如來受文殊師利童真菩薩請即入觀佛三摩地由纒入此三摩地於刹那頃見十方世界刹土一切諸佛如一箭道彼十方世界九十俱胝百千恒河沙數諸佛皆來集會同聲讚釋迦牟尼如來言善哉善哉釋迦牟尼如來善說此大陀羅尼教王過去一切如來已說悉皆加持隨喜惟願世尊廣爲宣說菩提場莊嚴陀羅尼法要大教王儀軌爾時文殊師利童真菩薩以如來所生法界盛於鉢中二手捧鉢奉獻如來爾時釋迦牟尼如來舒金色臂受文殊師利童真菩薩鉢受已擲於空

中於刹那頃其鉢徧滿虛空所盛法界舍利
如來形像滿三千大千世界虛空彼如來咸
皆讚歎釋迦牟尼如來言善哉善哉釋迦牟
尼佛見彼一一如來前皆有釋迦牟尼佛并
大衆會一一釋迦牟尼佛前復有文殊師利
菩薩滿鉢盛法界奉獻現大神通現大神變
爾時金剛手菩薩摩訶薩白文殊師利童真
菩薩言甚奇特文殊師利童真菩薩現於如
來大衆會神變今此光相爲誰所現以何因
緣是誰威神現大如來形像集會文殊師利
言金剛手汝豈不知現汝光相神變耶金剛
手言文殊師利我昔未曾見聞如是大神通
一切如來集會此之希有未曾見聞今乃得
見爾時金剛手菩薩摩訶薩旋轉金剛杵右
遶世尊佛前而住白佛言世尊欲說何法今

有未曾見聞相現於世間中大神通相分明
而現佛言金剛手且待須臾當自證見於刹
那頃佛前忽然有七寶幢從地踊出高七千
踰繕那闍五千踰繕那天妙莊嚴光明熾盛
垂妙繒綵真珠羅網彌覆其上鈴鐸搖動出
和雅音華鬘莊嚴無量俱胝百千天子從空
而下持種種七寶供養具而供養寶幢爾時
世尊告金剛手菩薩言汝可往開幢門爾時
金剛手菩薩徧身光焰如火衆熾盛頭冠瓔
珞莊嚴其身執金剛杵面貌忿怒令人怖畏
近至寶幢而伸右臂開其幢門開幢門已於
是幢中有師子座其座閻浮檀金所成七寶
莊嚴以種種天妙衣服敷其座上廣博金口
高勇光明幢頂如來應供正徧知如來於上
而坐入三摩地而現爾時廣博金口高勇光

明幢頂如來讚歎釋迦牟尼佛言善哉善哉
 釋迦牟尼如來於世間中現大神變現大如
 來集會無有神變集會與此等者先佛等覺
 而亦未有此如來集會神通示現惟願世尊
 說此菩提場莊嚴陀羅尼教王成多人利益
 安樂哀愍此如來形像遊戲神通集會現此
 幢相皆是菩提場莊嚴陀羅尼威力現此神
 變亦是此陀羅尼加持先現此瑞惟願世尊
 說菩提場莊嚴陀羅尼大教王爾時釋迦牟
 尼如來受廣博面金口高勇光明幢頂如來
 請已即說菩提場莊嚴陀羅尼曰^十
 曩謨婆誡縛帝^一尾補攏縛娜^二曩建贊努
 得訖使^三鉢多^三鉢囉^二婆^引娑計觀母
 囉馱寧^四薩怛^二他^引藥路寫^五曩謨婆
 誡縛帝^六捨引枳也^二母曩曳^七怛佗^引藥

多^引夜^引囉賀^合帝三藐三沒馱^引野八怛
 你也^合佗^九唵^引冒地冒地冒地^十薩
 縛怛佗^引藥多盧^引者囉^二馱囉馱囉^三賀
 囉賀囉^四鉢囉^合賀囉鉢囉^合賀囉^五麼賀
 引冒地唧多馱囉^六主盧主盧^七捨怛囉濕
 弭^合散祖你帝^八薩縛怛佗^引藥多^引毗色
 訖帝^九虞顛^二虞拏縛帝^一沒馱虞拏
 縛婆細^二弭里弭里^三誡誡曩怛麗^十
 四 薩縛怛佗^引薩多地瑟取^合帝^五曩婆
 藥多^合麗^六捨麼捨麼^七鉢囉^合捨麼
 鉢囉^合捨麼^八薩縛播^引跋鉢囉^合捨麼
 寧^九薩縛播^引跋尾輪^引馱寧^三虎盧虎
 盧^一麼賀冒地末^引誡三鉢囉^合悉體^二
 帝^三薩縛怛佗^引藥多^三鉢囉^合底^丁
 切瑟取^合多林第娑縛^引訶^引三^{十一}

纔說此菩提場莊嚴陀羅尼大教王已十方一切諸佛皆讚言善哉善哉及所現一切如來稱善哉善哉釋迦牟尼如來善說此陀羅尼教王利益安樂一切有情爾時大地六種震動兩種種華雨塗香末香衣服嚴具真珠臂釧頭冠瓔珞諸天於空中奏種種音樂出微妙聲兩種種華所謂青蓮華紅蓮華赤蓮華白蓮華曼陀羅華摩訶曼陀羅華盧遮華曼殊沙華摩訶曼殊沙華蘇摩那華婆利師迦華瞻蔔華搔乾地華以種種華而供養佛今於如來大集會聞此大陀羅尼或有證得阿羅漢果或證緣覺菩提果或有證斯陀含果或有證阿那含果或有證須陀洹果或有住菩提心或有得不退轉地或有得授無上正等菩提記或有生天果報或在地獄受諸

苦惱悉皆解脫或有生焰魔界或生傍生或有生於鬼趣彼等悉皆解脫安置佛道於此閻浮提大示現種種神通其世界衆生皆熾盛歡悅人民充滿豐饒安樂爾時金剛手祕密主頂禮佛足合掌白佛言世尊說此陀羅尼教王甚極難得若有苾芻苾芻尼優婆塞優婆夷善男子善女人聞此陀羅尼受持讀誦爲他宣說如理作意生幾所福成就佛言善哉善哉金剛手大祕密主妙問如是義此問極端嚴極善妙問金剛手汝可往詣文殊師利菩薩所問應當爲汝廣分別說爾時金剛手即詣文殊師利菩薩所右遶文殊師利菩薩白言若有人受持讀誦爲他宣說如理作意此菩提場莊嚴陀羅尼得幾所福文殊師利童真菩薩告金剛手言諦聽我今以譬

不九

十二

喻說盡三千大千世界處所有土地山川埴
阜枿爲百分千分乃至細如毛端分我不見
一處微塵不周徧我又以天眼觀如來身分
舍利亦徧一切處我無不見如來法身分舍
利法界舍利骨舍利肉舍利如一芥子量空
界而不周徧或有人具大威德神通悉能算
數觀察度量可知其數金剛手其人是爲智
慧是爲聰哲耶金剛手言文殊師利是人甚
奇特希有文殊師利復言金剛手諦聽如上
微塵舍利算數觀察度量可知其數復次金
剛手所有一切微塵一切身分舍利准如上
數微塵准如上數舍利數量爾所如來或住
一劫或餘一劫或復千劫讚揚此菩提場莊
嚴陀羅尼教王功德不能譬喻校量盡其功
德福利金剛手此菩提場莊嚴陀羅尼教王

有如是大威德若有受持讀誦爲他宣說供
養經卷當知是人獲無量無邊功德不可窮
盡彼大衆集會天龍藥叉乾闥婆阿蘇羅迦
樓羅緊那羅摩睺羅伽及彼衆中有情從文
殊師利童真菩薩聞此所說功德皆得阿耨
多羅三藐三菩提不退轉地所謂阿耨多羅
三藐三菩提不九記咸皆三度嗚陀南讚歎曩謨
歸命釋迦牟尼應供正徧知佛世尊曩謨歸
命奇特神通佛世尊曩謨歸命作奇特業佛
世尊爾時金剛手大祕密主白文殊師利童
真菩薩言云何於此菩提場莊嚴陀羅尼大
教王種植善根文殊師利童真菩薩言金剛
手此義當問如來如來悉知是義爾時金剛
手祕密主往詣佛所遶佛三匝而白佛言云
何於此菩提場莊嚴陀羅尼種植善根佛言

金剛手汝今諦聽當爲汝說此陀羅尼種植善根法金剛手若有善男子善女人欲求種植善根修無上菩提道資糧者苾芻苾芻尼優婆塞優婆夷或善男子善女人淨信善心者應受持此陀羅尼以此積集善根若有淨信善男子善女人比丘比丘尼優婆塞優婆夷洗浴清淨著新淨衣以瞿摩夷和土塗作方曼荼羅以五淨灑隨力分散華燒香供養以菩提場莊嚴陀羅尼加持香水七徧浴佛形像復加持白檀香用塗佛上又加持鬱金香塗上隨力分供養旋遶禮拜對於佛前誦一徧然一盞燈金剛手我今說彼即爲種植善根金剛手我今作譬喻說三千大千世界大龍王降微細雨或有一人有大神力能數是雨滴我復作譬喻說以彼算計籌量可知

其數彼善男子善女人苾芻苾芻尼優婆塞優婆夷准如上雨滴數如來應正等覺所承事供養禮拜或於一劫或過一劫乃至百劫生如是功德聚可知其福如上浴像種植善根所生功德一切如來不能知其數量復次金剛手第二校量福德以少善根十四因緣能成就廣善根果報此菩提場莊嚴陀羅尼於樺皮上書或置金剛杵中或置佛像中或畫像上或置印塔中或置窣堵波中隨於一事置此陀羅尼即成造百千數若置一窣堵波中彼善男子善女人即成造百千窣堵波其人獲得爾所造塔功德種植善根金剛手若有苾芻苾芻尼優婆塞優婆夷善男子善女人於四衢道或高山頂或於河岸或於城門或王道路造作一大窣堵波寫此陀羅尼并經

置於相輪樑中如我先譬喻說滿三千大千世界微塵數量法身舍利法界舍利骨舍利肉舍利彼善男子善女人即成造如上爾所微塵舍利等數量窠堵波即成一切如來舍利藏窠堵波即成佛曼荼羅窠堵波即成一切如來藏塔如來誠言作如是記別金剛手若有善男子善女人於如來記別塔所或華或香或復合掌稽首作禮或一旋遶彼善男子善女人苾芻苾芻尼優婆塞優婆夷即種植無量無邊善根一切罪障悉皆消滅一切地獄傍生皆得解脫證得不退相莊嚴三摩地身得清淨乃至菩提場一切善根無有窮盡更不復生於母胎金剛手此陀羅尼甚難得聞金剛手若有人造佛形像或泥或畫或木或鈿或以香泥或以鑰石或以熟銅或以

三金金銀銅也或鐵或銀或金或造窠堵波或紙或素書寫此陀羅尼并經及功能安於舍利塔中及佛像中應當供養禮拜金剛手彼苾芻苾芻尼優婆塞優婆夷善男子善女人以如來光譬喻量以如來校量功德量以佛眼觀察舍利數量以大海滴數量如是如來形像等量若有苾芻苾芻尼優婆塞優婆夷善男子善女人於一佛像或一塔中置此陀羅尼恭敬供養禮拜是人即成供養爾所佛形像獲得爾所福德聚爾時金剛手祕密主白佛言世尊此大陀羅尼教王有大威德有大福利有大神通繞稱名者獲大善根成就大福爾時世尊告金剛手祕密主菩薩言金剛手若有苾芻苾芻尼優婆塞優婆夷善男子善女人欲滿大功德聚者若欲供養過去未

來現在一切諸佛如來者應盡書寫此陀羅尼經置於篋中日日供養及香水浴旋遶禮拜彼善男子善女人苾芻苾芻尼優婆塞優婆夷所有過去未來現在如來先所說譬喻數量者悉皆成四事供養當知此善男子善女人一切如來加持一切如來之所授記一切如來皆所安慰其人得不退轉爾時世尊告文殊師利童真菩薩及金剛手祕密主菩薩四大天王言我今付囑汝等佛子此陀羅尼教王於末後世勿令隱沒應護受持此經

不九有情擁護長養以各各自真言儀軌印契加

十六持彼人爾時文殊師利童真菩薩金剛手大祕密主菩薩及四大天王從座而起頭面禮足作是言世尊我等已受如來付囑此陀羅尼大教王我當守護彼大丈夫受持此陀羅

尼者一切資具不令乏少無歸無依者悉皆拔濟乃至菩提場轉法輪我等咸皆護持爾時世尊告文殊師利童真菩薩金剛手大祕密主菩薩四大天王讚言善哉善哉汝等應當作如是事爾時世尊普告大眾此陀羅尼能成辦一切事業能與一切悉地能消滅一切罪障所作一切事業通達無礙應身器清淨澡浴著新淨衣每日誦一百八徧即見一切諸佛壽命百歲遠離一切疾病一切賢聖常當擁護金剛手祕密主四大天王亦常當擁護一切意願皆得滿足命終當生妙喜世界不復於母胎中生常得蓮華化生得宿命智若誦二十一徧當遠離決定地獄業一切罪悉皆除滅決定不墮於惡趣於諸冤敵皆得勝若誦七徧一切鬪諍言訟論理得勝當

不九

十七

於白月十五日一日一夜不食清淨澡浴著新淨衣對佛像結跏趺坐以華香燒香燈明供養世尊誦此菩提場莊嚴陀羅尼一千遍滿一千遍已即見釋迦牟尼如來舒金色臂按行者頂而安慰之讚言善哉善哉大持明者大丈夫汝所作菩提場莊嚴陀羅尼汝已成就汝持明者大勤勇精進汝已作是勤苦已圓滿多善根所欲往佛世界隨願而往其持明者身有熾盛光明照耀一切真言教法悉皆成就日滿一切願由作此法先行成就設令作五無間罪者由一日一夜斷食念誦其罪悉皆消滅現世得成就若於有舍利塔中黑月十四日一日一夜不食澡浴清淨身著淨衣於熟銅器中滿盛白芥子誦陀羅尼加持一千遍即法成就當一切處用取白芥

子一把散於龍池中即一切龍歡喜隨順持誦者彼等龍容許入於官中悉皆接足禮彼人所處分悉皆奉教取白芥子擲於虛空霜雹即止亦能制止暴風若白芥子擲散四方一切風雲蚊蚋鸚鵡鴉鵲蝗蟲暴惡蟲獸等皆被禁縛口若取白芥子擲於火中火不能燒擲於江河水即不流擲於商估中不被賊劫不見彼衆擲於王宮門國王大臣後宮悉令歡喜擲於大衆大衆皆共供養彼人擲於佗敵彼軍衆即被禁止若擲關戍守捉處身隱即不現而過若散於苗稼上不被蟲傷若天旱時擲於龍池即降大雨若暴雨時擲於空中極暴雨止息若擲冤家舍中不復有冤相遇若擲於城門城內一切逼迫悉皆消滅一切夜叉羅刹馳走而去若鬪戰時擲散彼

軍即彼禁止自軍得勝若口中含一切闍諍
言訟論理得勝若置於水中與患者澡浴一
切疾病皆得除愈若有人患諸鬼魅取白芥
子和沙糖燒熏病人一切鬼魅皆得解脫若
有牛疫諸畜疫人疫童男疫童女疫於四衢
道取白芥子和土燒一切疫病悉皆止息若
於自頭髮中散於一切處得人供養一切人
見皆生憐愛若持誦者從十四日以二手按
文殊師利菩薩足從初夜至圓滿十五日晨
朝無間念誦文殊師利菩薩住行人前一切
意願皆得滿足若按金剛手菩薩足誦陀羅
尼加持一千八徧以安息香和酥燒金剛手
菩薩即現其前一切意願盛事皆得成就真
言教法授與彼人養育如子又法若以二手
按摩尼拔陀羅藥又足誦陀羅尼一千八徧

獲得廣大財寶即現其身所言皆作若以手
按毗沙門頂燒沉水香誦陀羅尼八十徧即
得一千金錢
又法若觀吉祥天女面誦陀羅尼一千八徧
得一千金錢
又法若畫藥不九又以五色彩成誦陀羅尼一千
二十徧燒薩勒枳香薰陸藥又女現其人前
誓作為女使者所處分事皆能成辦乃至命
存成辦百種千種事成就一切義利
我今說畫像法能成就一切取不截氈長四
肘擇去毛髮不應用皮膠畫人清淨受八戒
然後令畫當中畫釋迦牟尼佛於寶樹下師
子座於釋迦牟尼佛上又畫一佛作說法相
其菩提樹種種寶莊嚴釋迦牟尼左邊畫聖
文殊師利菩薩種種寶瓔珞莊嚴於蓮華上

雙膝跪坐二手捧鉢作獻佛勢佛右邊畫聖
金剛手菩薩面貌忿怒瞋相一切寶莊嚴身
手把金剛杵作旋轉勢於蓮華上雙膝跪坐
瞻仰如來聖文殊師利後畫寶幢其量廣大
界道莊嚴於幢中畫如來坐師子座作安慰
相金剛手後畫菩提場莊嚴陀羅尼經夾置
於寶篋中篋四面周匝畫佛安置師子座上
於寶篋下畫金剛使者作威怒形於寶幢下
畫吉祥天女於佛下當中畫四大天王皆被
甲冑作威怒形天王下畫持誦者左手執香
爐右手把念珠瞻視世尊由畫此佛像應墮
惡趣者謗方廣大乘毀謗聖人作五無間罪
若畫此像者悉皆消滅其人得不退轉何況
能修持其人等同如來爾時世尊說菩提場
陀羅尼曼荼羅法欲建立此曼荼羅者或於

寺內或於天廟或在山間或於清淨隨自意
樂處依教平治其地以瞿摩夷和土加持已
然後塗拭其壇周圍十六肘量其畫壇人清
淨澡浴然後令畫四門四角鉤停四角畫四
天王中央畫佛形像於門門中畫寶樹於東
門畫吉祥天女南門畫辯才天女西門商
尼天女北門華齒天女畫壇了以稻穀華和
白芥子散於壇上兼散時華塗香末香四角
安四香水餅以四器盛飲食供養四門安四
香爐兼諸飲食種種華鬘及三白食四角安
四盞燈念誦者面向東坐應後夜入曼荼羅
護身結界纔入此曼荼羅一切罪障悉皆消
滅一切悉地皆得成就一切福聚皆得生長
獲得佛菩提遠離諸惡趣不被一切鬼神侵
擾一切諸天悉皆擁護晝夜常得安隱兼諸

助伴獲得大護由入此曼荼羅得不退轉地

我今說心陀羅尼曰

唵引薩嚩怛佉引孽多二尾也二合嚩路枳帝

三惹野惹野娑嚩引訶引

心中心陀羅尼曰

唵引虎嚕虎嚕二惹野穆契娑嚩引訶引

澡浴灑淨陀羅尼

唵引惹里你二惹曳娑嚩引訶引

結界陀羅尼

唵引三曼多布引囉拏二惹曳娑嚩引訶引

訶引

結曼荼羅界陀羅尼

唵引滿拏羅惹曳娑嚩引訶引

供養食陀羅尼

唵引臬哩二弭里二惹曳娑嚩引訶引

迎請陀羅尼

唵引薩嚩散駄嚩二弭里三惹曳娑嚩引訶引

訶引

供養華陀羅尼

唵引沒駄矩素銘娑嚩引訶引

供養燒香陀羅尼

唵引惹野嚩第娑嚩引訶引

灌頂陀羅尼

唵引尾惹野孽陞娑嚩引訶引

結頂髻陀羅尼

唵引怛佉引孽多惹曳娑嚩引訶引

加持衣服陀羅尼

唵引惹野勿哩二第娑嚩引訶引

護弟子身加持陀羅尼

唵引矩攞駄哩婆嚩引訶引

奉送聖眾陀羅尼

唵引馱囉馱囉二弭里三惹曳娑縛二合訶引

四引

加持念珠陀羅尼

唵引素三婆囉惹曳娑縛二合訶引

獻座陀羅尼

唵引素那哩惹曳娑縛二合訶二引

縛毗那夜迦陀羅尼

唵引素哩惹曳娑縛二合訶二引

迎請一切如來陀羅尼

唵引鉢囉二不九囉二惹野三悉第娑縛二合三二訶二引

四引

護身陀羅尼

唵引囉乞叉二合二尼惹曳娑縛二合二訶二引

供養燈陀羅尼

唵引惹野你比寧娑縛二合二訶二引

護摩陀羅尼

唵引麼黎二尾麼羅三惹曳娑縛二合二訶四引

請一切如來陀羅尼

唵引娑囉娑囉二惹曳三悉第娑縛二合二訶四引

四引

我今說修行心陀羅尼中心陀羅尼功能

若誦心陀羅尼百千徧得為持明仙中斫羯

囉伐底取雄黃置熟銅器中加持千徧取點

額即得飛騰虛空一切天龍八部官門悉開

得見得入隨意遊行壽命一劫若加持掃尾

羅眼藥百千徧用點眼即得安怛那一切鬼

神官悉皆開得入

又法誦一萬徧得見一切如來

又法加持窣堵波撐八千徧安於塔上一切

不九

三二

如來舍利來入此塔則成大舍利窠堵波塔
又法取文殊師利鉢加持鉢八千徧滿盛乳
糜粥置文殊師利手却從菩薩乞請一千人
喫此粥不盡

又法取餘部真言法用此陀羅尼加持隨心
所欲隨作隨成

我今說印法

以二手平展以右手押左手仰掌安心上名
為菩提場莊嚴陀羅尼根本印纒結此印滅
一切罪一切如來安慰其人亦成請一切如
來結此印一切如來甚恭敬其人

即前根本印舉右手通一切處用即成一切
印一切如來所加持以右手安於齋下以大
指捻頭指頭此印通一切印一切如來所加
持由結此印遠離一切罪障

爾時文殊師利菩薩說陀羅尼為護持此陀
羅尼教法故陀羅尼曰

曩謨曼殊室哩二野耶一俱摩囉部跢耶二

怛你也二佗三惹曳四尾惹曳五惹曳室哩

六二合 儒瑟知二合 吽娑縛二合 訶七

若念誦時先行時求成就時先誦此陀羅尼
七徧即無障礙速得成就

爾時金剛手祕密主菩薩說此大明陀羅尼

曰

怛你也二佗一縛日囉二母瑟知二合 訶曩

三娜訶四跋遮五縛日囉二吽吽發吒娑縛

二合 訶六引

以此陀羅尼加持白芥子七徧念誦處散擲

四方即成大結界

爾時四大天王說真言曰

不九

三四

怛你也二佗一地哩合底一啞哩二弭里三四

娑羅五鉢囉合娑囉二鼻里六鼻里合娑縛二引合

訶七引

以此真言加持白芥子水三七徧灌自頂一切鬼神夜叉悉皆降伏接足禮敬而退

爾時世尊說是經已文殊師利童真菩薩金剛手大祕密主菩薩四大天王及一切天龍八部人非人等聞佛所說皆大歡喜信受奉行

菩提場莊嚴陀羅尼經

音釋

疣女點切埵都回切枿先的切唄烏骨切擘抽庚切

柱也斜切金田寶貝飾也鏞他侯切鸚鵒切鵒鵒切鵒鵒切

玉切鸚鵒鵒切鵒鵒切鵒鵒切

